


Gabinete Eman III a inverti un total di 5.3 miyon na construccion di scolnan preparatorio nobo



ORANJESTAD (AAN): Dialuna atardi invitadonan special, encabeza pa muchanan di Fontein kleuterschool a celebra apertura oficial di nan scol nobo. Durante e parti oficila di apertura, cabezante, remplazante y cabezante di Hilario Angela a hiba palabra, caminda por a ripara e amor y alegria di nan pa loke ta e scol preparatorio nobo na Weg Fontein.

Ministro Mary Wever-Lacle, titular di Enseñanza a muestra su alegria y satisfaccion di por a logra cu e barrio aki na San Nicolas por a ricibi tambe un scol preparatorio, pero no solamente un lugar caminda e muchanan ta bay scol, pero tambe un lugar caminda e barrio den oranan di atardi por haci uso di e facilidadnan cu Fontein kleuterschool ta ofrece.

Intencion di Gabinete Eman III ta pa construi e infraestructura necesario den tur barrio pa e habitantenan por conta cu diferente actividadnan recreativo, educativo y deportivo den nan mesun barrio y un scol por ofrece esaki tambe.


Fontein kleuterschool ta e promer scol preparatorio cu a worde inagura oficialmente, pero no ta e unico. Agnes kleuterschool na Montaña tambe ta cla y aki poco dia lo tin e inaguracion oficial di e

Gabinete Eman III ta mira e inversionan realiza pa e construccion di e scolnan preparatorio aki como algo natural, pues e ta un forma di contribui na e desaroyo di nos futuro generacionan.

E concepto di scol, su funcion den comunidad ta cambiando y aki Gobierno ta mira e importancia di creacion di mas scol. Nos comunidad ta creciendo y mester di mas espacio pa acomoda nos generacion nobo, caminda nan lo siña no solamente nan les, pero tambe e valornan y tradicionan di nos cultura, pues e tarea di maestronan lo extende, al igual cu e tarea di mayornan.

Te na e momento aki e inversion di e scolnan preparatorio ta di Afls. 5.289.900, cual ta parti di e siguiente forma:

- Fontein kleuterschool cu



1.518.000 Florin.

- Agnes kleuterschool cu 1.742.900 Florin.

- Tarcicius kleuterschool cu 2.029.000 Florin.

Esaki ta e suma pa loke ta e construccion nobo di scol preparatorio, pero tambe tin renovacion y ampliacionan ta tumando lugar, al igual cu ampliacion y renovacion di


diferente scolnan basico y secundario.

Ta intencion di Gobierno actual pa continua cu e proceso aki, esta di renovacion di infraestructura di enseñanza, al igual cu capacitacion di maestronan pa por brinda comunidad arubiano un mi-hor futuro.

CANTIDAD LIMITA PA MIEMBROAN FUNDADOR Bira miembro di PriceSmart y hasi bo bida mas agradabel!

Vision di PriceSmart:
Bira parti di e calidad di bida di nos miembronan!

PURA! bira miembro awe mes!



PRICESMART
Membership Shopping
Diamond Member

PRICESMART
Membership Shopping
Business Member



Pa un tempo limita nos lo bende miembrecia pa solamente afl.25,- pa persona!

Aplica na Membership Trailer di PriceSmart
Fergusonstraat # 103 - tel: 885132
Horario: 10 am - 6 pm